

中華民國四年

七月五號

湖南巡按使署政報處發行官書報局印

湖南政報

本報招登廣告

價目列後

湖南政報招登各界廣告

本報爲提倡實業起見特稟准自七月一號起仿照政府公報及各省公報例於後幅加添營業廣告一門凡各官署官私立學校與各界商民人等欲登廣告事件請查本報登載之廣告條例至本公署政報發行所暨南門外上碧湘街院南沈宅接洽可也特啓

附登廣告條例

一凡登廣告事件者須先繕稿送經本處核定後方可照刊如鳴冤洩憤與行政上有關礙抵觸之處概不登載

一凡各官署及各官有事業機關之廣告向登一日者依公布例不收刊費一日以外仍繼續登載一律收費

一凡廣告登載地位係在本報末後均用四號字如須刊大字圖畫照所佔地位面議

一告白登載三日起碼第一日每字三文第二日每字二文三日以後每字一文滿月七折一月以後六折

一凡登廣告照章先繳刊費一律無扣如縮短期限刊費不退未繳費者恕不登載

一凡登載廣告者隨送本處政報一本一星期內不另取資

湖南政報目錄

電令

大總統東令 京東冬電

大總統申令 京東冬電

大總統申令

教令第二十五號

財政

巡按使批警察廳詳費四年下半年預算案由

國務卿據銓叙局詳稱暫行兼代湖南財政廳廳長唐人實擬請准予免覲由

內務

巡按使飭 湘江武陵 兩道尹准 交通部咨請轉飭保護新疆小輪由

司法

巡按使飭高審廳迅將全省司法各員按照 部定書式編製成績表附具攷語詳候核奪并分案詳細具報由

巡按使飭 高審廳 准 部咨准政事堂寄交直使陳整頓捕務清理積案情形所辦案件分別報查由

巡按使飭 四道尹 警察廳 水警廳 准廣東巡按使咨請飭緝捲款潛逃伍秉誠一案由

巡按使批祁陽縣知事據祁陽張隆韶等稟控張隆剛等殺斃父命由

巡按使批行衡陽縣知事據寧遠鄧玉春稟劉之忝擄奪一案失去功牌委札懇飭追繳由

巡按使批高等廳詳湘鄉承審員辭職辦理情形乞核由

巡按使批高等廳詳奉飭核議會同知事詳請民事訴訟仍以法警傳喚並征收旅費由

巡按使批高等廳詳請委盧輝充湘鄉管獄員由

巡按使批高審廳詳復職廳審判案件並無認索現銀事實由

實業

巡按使飭派陳廷英監試蠶業講習所攷試畢業由

巡按使批發財政廳據湘陰黃泰順等稟爲黃紹光賄詳釀禍妨稅病商懇飭縣復查由

教育

巡按使飭各道尹學校長奉准 國務卿函送 大總統發下特定教育綱要印本三百五十冊希查照發給各

道縣所屬各學校並設法翻印一律發給俾資遵奉由

湘江道尹飭各屬知事據商務印書館經理印有模稟稱奉 教育部審定各教科書通飭各學校一體分別

採用由

雜件

寧鄉等縣初選監督詳稱各該初選區調查員廖基樸等宣告脫黨由

公電 (十則)

電令

大總統策令

電京

谷懷舞給予五等文虎章此令

海軍部呈稱建安艦長李景曦另有差委擬請免去本職等語李景曦准免本職此令

海軍部呈請任命許建廷爲建安艦長溫樹德爲聯鯨艦長鄧家驊爲江元艦長應照准此令

振武上將軍行署軍務課二等課員吳九言授爲陸軍步兵少校此令

財政部呈覆核甘省驗契征收出力人員請照章給予獎勵等語甘肅皋蘭縣知事張開傑禮縣知事吳孟貞天水縣知事劉秉堃徵收款項均在一萬圓以上應均給予五等金質單鶴章以昭激勸餘如所擬辦理此令

大總統申令

電京

國民會議爲決定中華民國憲法機關組織法業已公布所有調查選舉事宜並經明令辦理國民會議事務局迅速辦理依約法第五十九條中華民國憲法案應由參政院推舉委員組織委員會起草著參政院即遵約法推舉以利進行此令

內務司法兩部會呈准文官高等懲戒委員會議決雲南富民縣知事寇珩吉林長嶺縣知事萬邦憲廣西宜北縣知事潘贊銓廣東佛山縣知事朱崇雋疏脫監犯各案依照知事懲戒條例均應受降等處分等語寇珩萬邦憲潘贊銓李崇雋均著照所議即行降等以儆疏忽此令

右七月一日電

大總統策令

張錫鑾給予一等文虎章此令

鮑貴卿給予二等嘉禾章此令

孔昭焱給予三等嘉禾章此令

王懋賞授爲陸軍少將此令

財政部呈稱粵省驗契增收鉅款擬請將督徵得力人員照章給予獎勵等語該省經改革以來財政窘絀支用浩繁經該前任之財政廳長嚴家熾認真整理增收至一百卅餘萬元之多洵屬實心任事成績昭然嚴家熾應准給予五等金質雙鶴章以示激勸餘如所擬辦理此令財政部呈覆核廣東續辦驗契征收出力人員請照章給予獎勵等語廣東署化縣知事程先進卸署茂名縣知事朱瑞琳卸署合浦縣知事馮相釗驗契征收均在三萬元以上署新會縣知事蔡國英卸署信宜縣知事陳家威卸署南雄縣知事鄧敬惺卸署番禺縣知事覃瑞桂前國稅廳籌備處科長陳佩實征收均在二萬元以上署順德縣知事成憲署吳川縣知事曾昭聲署遂溫縣知事陶永成署連縣知事劉玘卸署惠陽縣知事黃仁驥卸署瓊山縣知事蔣宗堪卸署清遠縣知事陳勵吾卸署台山縣知事王傳珍署龍川縣知事周德馨署陸豐縣知

事程昌蕓署梅縣知事顏輅署開建縣知事蔡中靈卸署文昌縣知事潘度卸署澄海縣知事吳靖安財政廳科長汪度征增均在一萬元以上應均給予五等金質單鶴章以昭激勸餘如所擬辦理此令

司法部呈署黑龍江龍江地方審判廳長雷人龍署雲南高等檢察廳檢察官沈家駿江西高等檢察廳書記官長吳國駿人地不宜請嚴予免職等語應照准此令

司法部呈請任命虞錫晉洪紹祖爲甘肅高等審判廳推事應照准此令

司法部呈署吉林高等審判廳推事金階雲署山東濟南地方審判廳推事龔應鵬因病辭職令階雲龔應鵬准免署職此令

司法部呈請任命何宇銓署河南高等檢察廳檢察官吳蔭曾署江西高等檢察廳檢察官應照准此令

司法部呈請任命孔慶餘爲四川高等審判廳書記官長夏清蘇爲江西高等檢察廳書記官長應照准此令

大總統申令

京電

據德武將軍趙倜河南巡按使田文烈電稱近聞陳留襄城一帶有仁義會匪首劉漢鼎等糾集同黨謀爲不軌當即密派先鋒官王奎元等派探協緝拏獲劉漢鼎暨胡學賓陸鵬等三名經警備戒嚴司令處訊明劉漢鼎有假託亂語捏寫妖書及偽制帑詔情事均由胡學賓刊板

印刷鈐蓋奉天承運大漢皇帝之偽寶並封陸鵬等爲大宰相各節業經訊明確供按律懲辦並據各路偵探報告該省黨會林立入黨愚民爲數日衆刻分嚴緝各等語查邪說惑人例禁綦嚴該會匪劉漢鼎等假託亂語捏寫妖書實屬罪大惡極現雖依法嚴辦而餘匪尙多難免不分佈黨徒四處煽誘冀搆變端著各省將軍巡按使嚴飭軍警注意偵探遇有此等秘密機關務宜即時破獲訊明首要立正典刑其餘脅從卽行解散毋庸深究並准其隨時自首所領票布一律呈繳入官日後如有他案發生概免連坐并仰通飭所屬出示曉諭嚴禁非法黨會隨地豫防以保公安而弭隱患此令

右七月二日電

謹按

大總統命令本報係照京電號碼譯登聞或電碼有誤關係甚大應俟政府公報寄到隨時

查對更正

大總統申令

茲制定懲辦國賊條例業經令交參政院據呈議決同意特依約法第二十條公布之此令

大總統
統印

中華民國四年六月二十二日

國務卿徐世昌

教令第二十五號

懲辦國賊條例

第一條 本國人民勾結外國人爲賣國之行爲者爲國賊治以賣國罪

賣國罪由大理院或軍政執法機關審判之

第二條 有左列各款行爲之一者爲賣國罪

- 一 勾結外國人意圖擾亂本國國家之治安及人民之公共安寧秩序者
- 二 私與外國人訂立契約損害本國國家之權利者
- 三 其他勾結外國人爲不利本國國家之一切行爲者

第三條 犯賣國罪之國賊處死刑

共謀者處死刑知情隱庇者處無期徒刑或一等有期徒刑

死刑得以槍斃執行之

第四條 犯賣國罪之國賊逃往他國時先沒收其財產斷其接濟及交通

第五條 國賊有前條情形時得行缺席判決宣告死刑後不問在何處地方拿獲立即就地執行

第六條 國賊之賣國行為於其原籍及犯事地方刊石宣示其罪狀

第七條 犯賣國罪之國賊無論何時不得赦免但從犯悔罪自首者得依附亂自首特赦令具結立誓之規定准予免罪

第八條 本條例自公布日施行

財政

國務卿呈據銓叙局詳稱暫行兼代湖南財政廳廳長唐人寅擬請准予免覲文並

批令

爲暫行兼代湖南財政廳廳長唐人寅擬請准予免覲仰祈鈞鑒批示遵行事據銓叙局詳稱准財政部咨開本年六月三日奉大總統策令任命唐人寅暫行兼代湖南財政廳廳長此令奉此惟查該員本任湖南銀行監理官此次暫行兼代財政廳長可否准予免覲之處應請查核轉呈等因查覲見條例內載簡任職因必要情形得呈請免覲等語該員係暫行兼代人員聲請免覲核與條例尙屬相符擬請准予免覲是否有當詳請轉呈示遵等情理合據情呈請大總統鑒核批示遵行謹呈

批令唐人寅應准免覲此批

大總統
統印

中華民國四年六月十七日

國務卿徐世昌

巡按使陶批

批警察廳詳查四年下半年預算案由

詳及預算均悉查四年下半年預算已經 劉前巡按使照三年度現支各項經費製定半年預算總數由財政廳編冊詳經本署咨部該廳所管各項除偵探隊及商埠警察兩項共增入銀元七千七百二十一元外餘照全年現行經費折半計算於咨部後飭知該廳在案現尙未奉核覆此次辦理預算冊表應即遵照咨部行知之數逐款詳明切實支配察核來表各款數目多有超過備考欄內亦多未詳估計標準及增減理由殊與咨部原案及預算辦法不符碍難照編核轉且查湘省三年度預算警察各項經費經部核准列入國家經費內開支者僅八萬零五百六十二元其餘均飭由地方經費內量入爲出通籌支配湘省自鹽款附加提歸中央地方收入迄無大宗款項以入抵出不敷之數甚鉅此次部飭編製四年下半年及五年度預算於國家經費均經一再申明以核定三年度預算爲標準地方經費以收支適合爲歸現屆七月將入四年下半年時期雖已列入預算之款未經核准以前仍照三年度核准數開支倘或任意擅支各該主管長官不能解除責任等語部文甚爲嚴切所有該廳四年下半年預算查照三年度預算既未便再有增加並應切實核減庶免中央核駁茲就來表詳加簽注仰該廳長謹就範圍妥籌支配改編詳表彙轉毋違切切此繳表併發

內務

湖南巡按使公署飭

為飭知事承准 交通部咨開據江海關監督詳稱准稅司函華商安記號租賃新疆小輪備具呈式請註冊給照舊照一紙呈銷等因理合詳部察核等情前來查該輪改駛航綫起長沙訖津市經過靖江林子口沅江安鄉等處除由本部塗銷舊照另註新冊并填就執照一紙發交該監督轉給承領相應咨行貴巡按使查照即希分飭各該屬隨時保護可也等因承准此除飭^{長沙湘陰}道尹轉飭經過之^{澧縣沅江安鄉}各縣查照外合行飭仰該道尹即便轉飭各該屬隨時保護可也此飭

巡按使陶思澄

右飭^{湘江}道道尹

准此

湖南巡按使印

中華民國四年六月二十八日

司法

湖南巡按使公署飭

爲飭知事案照軫恤民隱以清理訟獄爲先攷核法官以審查成績爲要良以訴訟一端爲人
民生命財產名譽之所託案偶罹屈抑痛切骨膚果能聽斷公平判決敏捷不徒翕騰輿頌實
可綏靜民風湘省迭遭災侵民生凋敝盜賊橫於道路良懦歎于里閭虎冠鄉閭狐鳴篝火疊
經靖武將軍暨前使勤求治理嚴予鋤除而亂梗已清元氣未復本使蒞任甫始力求治原
雖整理本有多端而要以司法一途尤與民生利害關繫密切所賴親民執法之吏精白乃心
勤恪在職不侮鰥寡不畏強禦摘奸發伏除暴安良甯獨植立法權寔足權衡治要又本使受
特別之委任職司監督如傷之際惻然在抱固不願侵越法曹亦何忍漠視民瘼近日以來廣
徵輿論其全省司法各員中之廉明勤慎者固不乏人而債職累民物議沸騰者亦多雜廁靡
列雖傳聞之言不足據爲事實而攷察整飭要不可須臾稍緩該廳長居全省司法最高之職
事實接近聞見必眞仰迅將各廳推檢以及兼理司法縣知事暨承審管獄各員按照司法部
部定司法官吏成績書式編製各員成績表附具考語詳候核奪他若司法費用之有無濫徵
法警吏丁之有無擾累各屬積案之如何清釐亦卽分案詳細具報以備考核本使爲利民清
訟起見特飭仰該廳長卽便遵照辦理毋稍疏懈切切此飭

巡按使陶思澄

右飭高等審判廳廳長

准此

湖南巡按使印

中華民國四年六月二十五日

湖南巡按使公署飭

爲飭行事案准 司法部第七七九號咨開准政事堂交直隸巡按使朱家寶呈縷陳直省整頓捕務清理積案情形并擬飭審檢各廳將所辦案件分報以便攷察五月二十八日奉 批令該省整頓捕務訊結積案俾盜案減少罔罔一清成績昭然深堪嘉許所擬飭審檢各廳將所辦案件分別造報之處應准照辦交司法內務兩部查照單併發此批等因並准該巡按使咨同前情抄送原呈清單到部查省官制第九條巡按使有攷核司法官吏之權直隸巡按使呈請前因自係爲認真考察起見既奉 批令照辦各省審檢廳事同一律自應查照辦理嗣後所有各該審判廳判決案件應即依照三年第七七八號及第一零六三號部飭通行之民刑案件報部冊式分報本省巡按使并將未決各案另冊附具理由按月造報其各級檢察廳所辦案件亦應查照三年第一一四九號部飭通行之訴訟月報屬于檢察廳部分各格式按期分報以資督促而重考成至刑事案件進行期間表仍應查照修正刑事訴訟審限規則第

十條第二項第三項辦理除另咨直隸巡按使并通飭各省高等廳長檢察長遵照外相應咨請貴巡按使查照即希就近督察協力維持以補中央耳目所未及而促司法前途之改良實細公誼此咨等因准此合亟飭行飭到該廳即便遵照迅將該廳暨所屬各廳縣判決案件遵照部定冊式按月造報其未決各案另冊附具理由并聲明是否已逾審限一律造報查核至長沙分監以及各縣監獄暨各看守所每月出入人犯數目亦應按月造冊列報總數事關法官考成該廳長職任所在務即認真整飭萬毋視為具文是為至要並轉所屬各廳縣一體遵照毋違切切此飭

巡按使陶思澄

右飭高等
審判廳
檢察廳

准此

湖南巡
按使印

中華民國四年六月二十八日

湖南巡按使公署飭

為通飭事案准廣東巡按使咨開現據廣東官銀錢總局總辦蔣繼伊詳稱案照前清香港官銀錢分局係本局撥資開辦結至宣統三年九月十八日止共撥過現款四十九萬一千三百二十七元三毫六仙粵省光復之初頭緒紛繁未暇顧及該分局經理伍秉誠竟敢乘機將港

局所有財物席捲私逃屢尋弗獲查該員伍秉誠別號申之係前清廣東候補直隸州原籍江蘇武進縣人捲逃公款之後難保非潛踪遠匿為此詳請鈞使察核俯賜通飭緝拿解省訊辦並轉咨江蘇巡按使飭行將該員原籍產業查封變抵以重局款而儆官邪實為公便等情據此查該分局前經理伍秉誠當粵省改革之初竟敢將局中財物捲逃實屬貪婪不法除通飭緝拿解追并通咨協緝暨咨行該員原籍武進縣查產封抵外相應咨請貴使飭屬一體嚴緝解追以重公款等因准此合行通飭為此飭仰該道尹即便轉飭所屬一體嚴緝伍秉誠務獲解究此飭

巡按使陶思澄

右飭 四道尹 警察廳 水警廳

准此

湖南巡
按使印

中華民國四年六月二十八日

湖南巡按使陶批

批祁陽張隆韶等稟報張隆剛等殺斃父命由

稟暨抄件均悉爾父張玉文被爾胞伯吉文父子共同毆斃案關倫紀情節重大該縣知事身任地方豈能以兇犯在逃延不緝究查閱抄件爾兄弟在縣具訴初續各詞並未叙有唐維琅

主謀唆殺情事卽所報正兇張隆剛張隆強被邵陽鄧愚溪庇匿一節亦經該縣知事會同寶慶縣知事出票搜緝並未捕獲是來稟所稱轉匿匡定遷家亦難保非羅織之詞惟人命重件懸擱兩年迄無頭緒實屬不成事體仰祁陽縣知事迅速派隊懸賞勒緝張隆剛張隆強等務獲依法審辦詳報核奪此批副稟發抄件存

並挂發

批行衡山縣知事據甯遠鄧玉春劉之香擄奪一案失去有功牌委札懇飭追繳由

稟悉該弁以銀物託屈緩勳帶回衡州被劉之香擄奪嗣經該弁控訴衡山縣署已斷劉之香退物還銀該弁既尙有功牌委札被奪自應一併追還仰衡山縣知事傳案究追并具報備查此批

(原稟抄發)

批高等廳詳湘鄉承審員辭職辦理情形乞核由

據詳已悉湘鄉縣承審員李昶徐漢等既據同時辭職且據該縣徐知事聲明積案甚多自應准其解去本職以重公務仰卽知照此批

批高審廳詳奉飭核議會同知事詳請民事訴訟仍以法警傳喚並征收旅費由

詳悉會同縣知事詳請民事案件一律征收旅費及以法警代行承發吏職務各節既據該廳核議於定章雖有變通於事實尙無妨害自應准予照辦以利推行仰卽轉飭該知事知照此批

批高等廳詳請委盧輝充湘鄉管獄員由

詳暨履歷均悉湘鄉縣管獄員王邦寶辭職所遺員缺該廳擬請委任盧輝接充既據諮詢同級檢察廳同意應予照准仰即由廳給狀委充可也此批(履歷存)

批高審廳詳復職廳審判案件并無認索現銀事實由

詳悉查民國成立幣制尙未統一凡人民以金錢支付之債務自應以通用貨幣爲準湘省現金缺乏行用銀幣已成慣習所有控追前清舊債之案自不能認索現銀爲有理由致滋障礙據稱該廳受理各項債案並無判繳現銀之事惟省外各司法官署難保不誤會法理發生此種事實自應就該廳徵引各節通行知照以昭法守而免紛歧仰即分飭長沙常德兩法院暨兼理司法之各縣知事一體遵照可也此批

實業

湖南巡按使公署飭

爲飭委事案據公立蠶業講習所詳稱別科學生修業期滿照章卒業現擬於六月二十九日舉行畢業試驗理合將試驗科目日期列表隨文詳請查核派員監試以昭慎重等語除批准並派趙儼歲前往監試外合再抄錄試驗時間表加派該員按照表列試驗日期會同前往該所認真監試並將學生歷來成績詳加考查具報察核此飭

計抄發公立蠶業講習所別科第二次畢業試驗科目時間表

巡按使陶思澄

右飭委派赴公立蠶業講習所監試委員陳廷英准此

湖南巡按使印

中華民國四年六月二十九日

巡按使陶批

批發財政廳據湘陰黃泰順等稟爲黃紹光賄詳釀禍妨稅病商懇飭縣查復由

查各埠牙帖之增減應視商業之盛衰爲斷該商等所領竹木牙帖係在河市河塘兩埠黃迪

前稟請增設一帖其營業區域坐落呂覽渡既屬隔埠並照章繳費具領例無不合惟稱該縣警佐李宗白前後詳復不一並有受賄情形是否屬實仰財政廳轉飭湘陰縣知事遴員會查以杜口實而重帖政此批副稟發粘存(挂發)

教育

湖南巡按使公署飭

為飭發事案奉准 國務卿函開逕啓者 大總統發下特定教育綱要印本一萬冊奉

諭發交各該省巡按使都統京兆尹等刊印發布等因查綱要所列各節與行政制度以及學

校一切教育事宜均有關係凡官廳學校自應一律參閱以明趨向遵將教育綱要印本三百

五十冊函送 貴巡按使查照希即分別發給各該道縣所屬各學校一體遵照並希設法翻

印一律發給俾資遵奉除函知教育部另案早明次第辦理外相應函達 貴巡按使查照辦

理可也等因准此查前項印本業經由署翻印八百冊併原頒三百五十冊共計一千一百五

十冊應即分別發給俾資遵奉合行飭仰該 道尹知事 即便遵照保存隨時參閱以明趨向並轉發

所屬各學校一體遵照此飭

計發教育綱要 五 冊

巡按使陶思澄

各道道尹

右飭各縣知事

省城公私立學校校長

准此

湖南巡
按使印

中華民國四年六月二十九日

教育綱要

甲總綱

一 施行義務教育宜規畫分年籌備辦法務使尅期程功以謀教育之普及

說明 義務教育頃已 明頒命令各省應即遵照施行惟以全國幅員之廣人口之衆風氣未開民力未逮倘無一變通而有標準循序漸進之辦法遽欲全國學齡兒童同時就學勢固甚難即繩以功令亦恐難以徧喻如聽其自然進步則于義務之旨不符使煌煌命令等諸具文尤非國家興教勸學之本意計惟有用分年籌備之法籌備應以若干年爲期由教育部詳細籌畫安定辦法視甲年進行之速率再定乙年之計畫舉凡學齡之調查（調查學齡兒童易起鄉民之誤會近日浙江已見風潮應由地方官委任自治團體予調查戶口時注意于每戶及歲兒童有無入學另立表格填注既不惹鄉民之疑議並可爲統計之根基）入學之督促學校之設置師資之造就經費之籌集責以實效不可粉飾另立官吏及自治機關辦學考成法以寓勸獎統由教育部規定妥協後呈候施行

一興學由造就師範編輯教科書入手應由教育部通行各省按照各地方所需教員員數分期造就並由部編輯小學中學教科書以確定全國教育之基礎

說明 按義務教育規制頒行之後全國小學入學人數驟增所需教員甚夥非預爲造就必致因師資缺乏以不合格之教員充數灰向學之心阻學務之進步應由教育部咨行各省巡按使按照各地方歷年所需教員人數分期造就管理教授一切務須完善至教科書係達教育目的之要具如與教育宗旨不相呼應即不能達到目的應就現在部設之編審處按照學年迅速編輯中小學教科書其教科書內容務與國家教育宗旨相合其參考各書爲學校所需而坊間所不備者亦應一併編輯以爲改良教育之先河 未完

湘江道尹公署飭 (不另行文)

爲飭知事案據商務印書館經理印有模稜稱竊以教育之道與時變遷教科書爲教育之主
要品尤當適切時勢本年二月四日奉 大總統特定教育綱要第二條說明教科書內容
務與國家教育宗旨相合又奉 大總統頒定教育宗旨分愛國尙武崇實法孔孟重自治
戒貪爭戒躁進七項仰見 大總統慎重教育不厭精詳之至意敝館當將民國成立以來
出版之初等高等小學校用各教科書謹遵 大總統迭次訓令妥加修訂於本年三月初
旬稟送 教育部復審當於三月二十七日四月五日奉批修改均甚妥適該館不惜

工本悉心修改精益求精至堪嘉尚准其備案作爲教員學生用書等因在案伏查此次審定各教科書計二十七種凡一百八十六冊均在 大總統頒布教育綱要及教育宗旨以後實爲今日最適用之教科書惟恐各學校尙未盡悉爲此僅將 教育部歷次批示並書目另行錄印彙呈鈞座懇祈飭發各縣知事通飭各校一體採用實爲公便再本年四月二十日奉 大總統申令改正會計年度以一月一日開始十二月三十一日終止等因故本年四月全國教育會奉 教育部批准開聯合會於天津議決改三學期爲二學期原有秋季始業之班級暫不更改敝館出版之教科書無論春季用本秋季用本每年均爲二冊於一年兩學期甚爲合用合併陳明等情並資書目四份到道據此查該館此次修訂之各種教科書既經稟奉 教育部審定有案自應准予飭屬採用以廣流傳惟所賣書目不敷分布除批飭該經理逕行按縣分寄外合行飭仰該縣知事即便轉飭所屬各小學校一體分別採用可也此飭

道尹張官劬

右飭本屬各縣知事

准此

湖南湘江道
尹之關防

中華民國四年六月二十九日

雜件

據甯鄉等縣初選監督詳稱各該初選區調查員廖基樸等曾入進步黨現已遵令脫離合行登報宣告

甯鄉縣

安化縣

廖基樸

蕭炳漢

陶懋熙

鄒縣

王澤洪

何炳銓

永興縣

何居怡

湖南省復選區選舉事務所啓

據甯鄉等縣初選監督詳稱各該初選區調查員黃藻豐等前隸共和黨早經脫離合行登報聲明

甯鄉縣

黃藻豐

胡光灝

謝榮植

耒陽縣

謝奎

劉楚英

伍炳文

蔣植榮

鄱縣

余庚西

曾肇科

吉

湘潭縣

郭文治

段世理

郭應龍

易宗祇

沅江縣

謝崧年

周米

李熙麟

楊兆鵬

廖廷藩

李鴻儒

湯

澍

譚鼎勳

祝樹勳

郭幹臣

祝榮霖

李振先

平江縣

黃純理

湖南省覆選區選舉事務所啓

公電 (十則)

各省巡按使鑒准江西巡按使養電稱國民會議立法院議員兩項選舉同行並進所有各項名冊自應各備一分惟冊面應如何分別標識以示區別冊式內未規定請核示以便飭遵等因查本屆兩項選舉既係兼營並進所有各項名冊自應分別標識當造具國民會議議員初選覆選區各項名冊時在初選區於名冊封面應填寫國民會議議員某某覆選區某某縣初選

區於選舉某項名冊在覆選區於名冊封面應填寫國民會議議員某某覆選區選舉某項名冊均用一行直寫當造具立法院議員初覆選區各項名冊時則於名冊封面祇換寫立法院三字其餘仍照前式以示區別而免紛歧除電覆外合行通電希分別轉飭遵照辦理國民會議事務局籌備立法院事務局艷印

余道尹鑒東電悉雨多水漲軫念良殷仰督縣紳勤護堤要以防意外水平仍報查考巡按使陶東印

乾城廖知事卅電悉該縣水災衝壞橋梁田畝聞之軫念仰速履勘妥爲撫綏詳明具報核辦巡按使陶東印

武岡高知事宥電悉該縣洞口被水冲毀房屋百餘戶並同日據汪局長電稱硤口分卡被水冲毀軫念實深仰卽分別履勘妥爲撫綏詳明具報核辦並轉汪局長知照巡按使陶東印
長沙巡按使陶財政廳長唐鈞鑒驗契奉飭積極進行六月不半月已收一千四百餘元再職縣地瘠民貧向來田賦非於年底不能場旺本年開征甫及一月已征獲正銀一千餘兩爲歷年所未有人民值此青黃不接之際踴躍急公迥異尋常堪以上紓塵懷除收欸另文批解外謹先電聞永明知事田民憲東印

長沙將軍巡按使財政廳鈞鑒前奉支電撥賑千元遵卽切實散放不料徑日該龍潭鎮又大水成災淹沒田房人口較前尤其除履勘詳報外合先電聞澧浦知事徐錦陷叩印

長沙將軍巡按使鈞鑒冬日天晴水落謹慰鈞塵道尹余彙叩江

長沙巡按使財政廳長鑒辰州關現已改歸部轄奉令簡任監督所有該關稅款應由監督截清日期界限遵照定章直接報部財政部江印

長沙巡按使陶財政廳長唐鈞鑒縣屬霍雨兼旬山水暴發沿河一帶居民廬舍漂流田園冲壓已設法妥爲安置酌提地方公款救濟除按畝踏勘并敘詳報外可否酌給賑撫伏候示遵車廩叩東

北京內務總長財政總長鈞鑒據瀏陽縣知事楊啓勛詳報該縣城內外以及對河南市街等處突於上月二十六日驟遭大雨河流暴漲人民呼號慘不忍聞并冲塌牆屋計二百餘所壓溺致斃男女十四人災情甚重四鄉尙待勘查已由該知事就地勸捐並捐助錢壹百串趕發急賑等情查該縣迭年患水困苦萬端此次大水成災蕩析尤甚哀鴻待哺若割於懷除飭該縣知事妥爲撫恤災民卅任流離失所外并由思澄酌撥錢壹千串交付知事辦理急賑擬請卽於國稅項下動支事急需迫未及先請核示仰乞鑒原并祈代呈賜覆至紉盛誼陶思澄叩支印

湖南政報處通告

本報爲預防省城內送報夫役侵蝕報費起見特製有二聯收費據若干紙以一聯存本處備查以一聯給各閱戶收執茲定自七月一號起凡城內各閱戶欠繳報費本處卽按月照數填寫收據月終卽酌派妥人持向催收務望各閱戶憑此收據交費如無此據而私自交付者本處概不認賬此白

本處緊要啓事

本處爲稽查報費防報差浮冒侵蝕起見特製有二聯定報單一紙以一聯存根備查以一聯交定報者填寫後照單發報嗣後購報諸君親來本署發行所訂閱本報務請照式填寫若係在外向報差面訂者亦請將姓名住址定閱之份數暨期限以及當付報費若干詳細開條交報差帶回以憑換填定單照送如無定單概不發報用特聲明此啓

本報於現有各門類外附增牌示飭委一門凡委署差缺之已見諸公牘者本報立即照登以期消息之靈通而免傳述之訛誤閱者注意特告

